



Broj: JN1-03-16-7-19-17/21
Sarajevo, 14.10.2021.

Na osnovu člana 64. stav (1) tačka a) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za javnu nabavku iz Zapisnika o pregledu i ocjeni ponuda za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, broj: JN1-03-16-7-19-16/21, od 30.9.2021. u postupku nabavke usluga održavanja hardvera i softvera za potrebe Parlamentarne skupštine Bosne i Hercegovine putem konkurentskog zahtjeva za dostavu ponuda, Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

- (1) Prihvata se preporuka Komisije za javnu nabavku iz Zapisnika o pregledu i ocjeni ponuda za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, broj: JN1-03-16-7-19-16/21, od 30.9.2021. i Okvirni sporazum za nabavku usluga održavanja hardvera i softvera za potrebe Parlamentarne skupštine BiH, za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme za period dvije godine, dodjeljuje se ponuđaču FIXIT d.o.o. Sarajevo, ul. Zaima Šarca 34, 71 000 Sarajevo, IDB 4202048930006, čija je ponuda po utvrđenom kriteriju "ekonomski najpovoljnija ponuda" sa podkriterijima: 1. Cijena - 80 bodova i 2. Rok odziva za servisnu intervenciju - 20 bodova, izabrana kao najpovoljnija ponuda sa ukupnim brojem bodova 100.
- (2) Okvirni sporazum iz prethodnog stava ove tačke zaključit će se u maksimalnoj vrijednosti do 15.000,00 KM sa PDV-om (12.820,50 bez PDV-a).
- (3) Za korištenje usluga servisiranja/održavanja uređaja iz Lota 1., zaključivat će se pojedinačni ugovori po jediničnim cijenama rezervnog dijela/norme sata usluge održavanja po vrsti uređaja iz Ponude ponuđača FIXIT d.o.o. Sarajevo, broj: 210921/MC001-T, od 21.9.2021. i saglasno prihvaćene računске ispravke od 28.9.2021., a ukupan zbir cijena iz pojedinačnih ugovora neće preći vrijednost Okvirnog sporazuma iz stava (2) ove tačke za čitav sporazumni period.

II.

- (1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 16. Tenderske dokumentacije za nabavku usluga održavanja hardvera i softvera za potrebe Parlamentarne skupštine Bosne i Hercegovine, broj: JN1-03-16-7-19-8/21, od 8.9.2021.
- (2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, Ugovorni organ će poništiti ovaj postupak nabavke.

III.

Prijedlog Okvirnog sporazuma dostavit će se na potpis izabranom ponuđaču po isteku roka od 5 (pet) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga servisiranja hardvera i softvera za potrebe Parlamentarne skupštine Bosne i Hercegovine, broj: JN1-03-16-7-19/21, od 23.7.2021. Ukupna procjenjena vrijednost javne nabavke iznosila je 26.000,00 KM sa PDV-om za period dvije godine. Predmet nabavke podijeljen je na tri lota. Procjenjena vrijednost za Lot 1. iznosi 15.000,00 KM sa PDV-om (12.820,50 bez PDV-a). Komisija za javnu nabavku imenovana je Rješenjem Kolegija Sekretarijata, broj: JN1-03-16-7-19-2/21, od 23.7.2021. i broj: JN1-03-16-7-19-2a/21, od 26.7.2021. Javna nabavka provedena je putem konkurentskog zahtjeva za dostavu ponuda. Tenderska dokumentacija Ugovornog organa, broj: JN1-03-16-7-19-8/21, od 8.9.2021. objavljena je u sistemu „E-nabavke“, kao i Obavještenje o nabavci, broj: 166-7-2-16-3-19/21, od 8.9.2021. Poziv za preuzimanje tenderske dokumentacije sa Portala javnih nabavki upućen je prema tri ponuđača i to:

- FIXIT d.o.o Sarajevo, Zaima Šarca 34, 71 000 Sarajevo
- LOGOSOFT d.o.o Sarajevo, Grbavička 4, 71 000 Sarajevo
- AVC d.o.o Sarajevo, Azize Šaćirbegović 7, 71 000 Sarajevo

Tendersku dokumentaciju za nabavku usluga održavanja hardvera i softvera za potrebe Parlamentarne skupštine BiH sa Portala javnih nabavki preuzelo je ukupno 10 ponuđača. Dana 15.9.2021. ponuđač Logosoft d.o.o. Sarajevo je putem sistema „E-nabavke“ zatražio pojašnjenje Tenderske dokumentacije, koje je dato i objavljeno u sistemu dana 16.9.2021.

Do termina zakazanog za predaju ponuda odnosno do 21.9.2021. do 11,00 sati, za Lot 1. pristigla je jedna ponuda i to:

Redni broj zaprimanja ponuda	Naziv i sjedište ponuđača
1.	FIXIT d.o.o Sarajevo, Zaima Šarca 34, 71 000 Sarajevo

Komisija za nabavke je izvršila javno otvaranje p onuda za sva tri lota i evaluaciju istih, o čemu je sastavljen Zapisnik o zaprimanju ponuda, broj: JN1-03-16-7-19-10/21, od 21.9.2021., Zapisnik o otvaranju ponuda, broj: JN1-03-16-7-19-11/21, od 21.9.2021. i Zapisnik o pregledu i ocjeni ponuda za Lot 1., broj: JN1-03-16-7-19-16/21, od 30.9.2021., sa preporukom o izboru najpovoljnijeg ponuđača.

Zadnjim navedenim zapisnikom konstatovano je da su u ponudi ponuđača Fixit d.o.o. Sarajevo, broj: 210921/MC001-T, od 21.9.2021. u Aneksu 2. Obrazac za cijenu ponude-Prilog broj 1., u tabeli „Spisak rezervnih dijelova za sljedeće uređaje“, bile prisutne računске greške, koje su konstatovane u Zahtjevu Ugovornog organa za prihvatanje ispravki računskih grešaka, broj: JN1-03-16-7-19-13/21, od 22.9.2021. i u ostavljenom roku saglasno prihvaćene od ponuđača Fixit d.o.o. Sarajevo, dopisom od 28.9.2021.

Također Zapisnikom o pregledu i ocjeni ponuda konstatovano je da je ponuda ponuđača FIXIT d.o.o. Sarajevo, broj: 210921/MC001-T, od 21.9.2021., prihvatljiva za Ugovorni organ, jer

ispunjava sve formalno pravne, lične i tehničke/profesionalne uslove, odnosno zahtjeve ugovornog organa.

U Zapisniku je sadržano i to, da Komisija za javnu nabavku, zbog činjenice da je dostavljena ponuda ujedno bila i prihvatljiva za Ugovorni organ, nije provodila fazu vrednovanja i rangiranja prihvatljivih ponuda po kriteriju „Ekonomski najpovoljnija ponuda“ prema metodologiji utvrđenoj u Tenderskoj dokumentaciji, te je konstatovano sljedeće:

Naziv i sjedište ponuđača	Podkriteriji za primjenu kriterija ekonomski najpovoljnija ponuda	Bodovanje podkriterija
	<ul style="list-style-type: none">• Podkriterij 1. Cijena• Podkriterij 2. Rok odziva za servisnu intervenciju	Podkriterij 1.-80 bodova Podkriterij 2.-20 bodova
FIXIT d.o.o. Sarajevo, ul. Zaima Šarca 34, 71 000 Sarajevo	1. Ukupna cijena ponude za predmetnu nabavku za Lot 1. (cijena rezervnih dijelova uređaja+cijena norma sata usluge održavanja) sa eventualnim popustom i PDV-om + saglasno utvrđenom računskom ispravkom iznosi 18.921,24 KM.	80
	2. Rok odziva za servisnu intervenciju iznosi 1 (jedan) sat.	20
UKUPNO BODOVA		100

Shodno navedenom, Komisija za javnu nabavku preporučila je Kolegiju Sekretarijata (Zapisnik, broj: JN1-03-16-7-19-16/21, od 30.9.2021 u prilogu), da u postupku nabavke usluga održavanja hardvera i softvera za potrebe Parlamentarne skupštine BiH, za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, donese Odluku o izboru najpovoljnijeg ponuđača za FIXIT d.o.o. Sarajevo, ul. Zaima Šarca 34, 71 000 Sarajevo, IDB 4202048930006, čija je ponuda po utvrđenom kriteriju “ekonomski najpovoljnija ponuda” sa podkriterijima: 1. Cijena - 80 bodova i 2. Rok odziva za servisnu intervenciju - 20 bodova, izabrana kao najpovoljnija ponuda sa ukupnim brojem bodova 100.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se ponuđač Fixit d.o.o. Sarajevo izabere za realizaciju Javne nabavke usluga održavanja hardvera i softvera za potrebe Parlamentarne skupštine Bosne i Hercegovine, za Lot 1. putem Okvirnog sporazuma zaključenog s jednim ponuđačem na period od dvije godine, te je odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- FIXIT d.o.o. Sarajevo, ul. Zaima Šarca 34, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____